

Ա. Կ. ՄՆԱԾԱԿԱՆՈՒՄ

Վ. Ի. ԼԵՆԻՆԻ ԴԵՐԸ ՀԱՅԿԱԿԱՆ ՍՍՌ-Ի ԿԱԶՄԱԿԵՐՊՄԱՆ
ԳՈՐԾՈՒՄ

Սովետական ռեսպուբլիկա ստեղծելու ծրագրային լուղունգի կոնկրետ իրականացման հարցը Վ. Ի. Լենինը գրեց 1917 թվականի ապրիլի սկզբներին՝ տարագրությունից վերադառնալուն պես: «Ո՛չ թե պառլամենտական ռեսպուբլիկա, — Ի. Դ. Սովետներից դեպի դրան վերադառնալը կլինե՞ր մի քայլ դեպի ետ, — այլ բանվորների, բատրակների և գյուղացիների դեպուտատների Սովետների ռեսպուբլիկա ամբողջ երկրում, վարից մինչև վեր»¹: Լենինի հռչակած հանձնարեղ ծրագիրը նկատի ունե՞ր Ռուսաստանը, նրա բոլոր ծայրամասերը, այդ թվում և Հայաստանը:

1917 թվականի հունիսին Վ. Ի. Լենինն առաջին անգամ արտահայտեց հայկական անկախ ռեսպուբլիկա ստեղծելու միտքը: Սովետների Համառուսաստանյան առաջին համագումարում հունիսի 9-ին արտասանած ճառի մեջ Լենինը խոսում է Արևմտյան Հայաստանի մասին, որոշակիորեն դնում է Հայկական անկախ ռեսպուբլիկայի ստեղծման, նրան ֆինանսական օգնություն ցույց տալու, նրան զենքի ու ժող պաշտպանելու խնդիրը: Հասկանալի է, որ Վ. Ի. Լենինը նկատի ունե՞ր սովետական ռեսպուբլիկա, աշխատավորական ազգային ինքնուրույն ռեսպուբլիկա ստեղծելու խնդիրը:

Հայ ժողովրդի և մյուս ճնշված ժողովուրդների ինքնորոշման և անկախության լենինյան քաղաքականության հիմնական սկզբունքները ձևակերպվեցին Ռուսաստանի ժողովուրդների իրավունքների Դեկլարացիայի մեջ:

Հայկական անկախ ռեսպուբլիկա ստեղծելու հարցն ավելի հստակ և ուղղակի ձևակերպում ստացավ Վ. Ի. Լենինի գլխավորած Ժողկոմսովետի 1917 թ. դեկտեմբերի 29-ի «Ռուսքահայաստանի մասին» Դեկրետում, որտեղ ձևակերպված են Հայաստանի անկախությունը ճանաչելու սկզբունքները: Ժողկոմսովետը նշել է, որ Հայաստանում պետք է կազմակերպվի «Ժողովրդական կառավարություն» հայ ժողովրդի Դեմոկրատական հիմունքներով ընտրված դեպուտատների Սովետի ձևով²:

Համառուսական Սովետների III համագումարը 1918 թ. հունվարի 12-ին լիովին հավանություն տվեց Ժողովրդական Կոմիսարների Սովետի քաղաքականությանը «Հայաստանի ազատ ինքնորոշման» մասին: Այսպիսով, Վ. Ի. Լենինի գլխավորած Ժողկոմսովետը և Համառուսական սովետների III համագումարը 1917 թ. վերջերին և 1918 թ. սկզբներին հռչակեցին Հայաստանի ազատ ինքնորոշման, հայկական անկախ սովետական ռեսպուբլիկա ստեղծելու ծրագիրը:

¹ «Պրավդա», 7 ապրիլի 1917 թ. (Երկեր, հատ. 24, էջ 6):

² Տե՛ս Հոկտեմբերյան սոցիալիստական Մեծ ռեվոլյուցիան և Սովետական իշխանության հաղթանակը Հայաստանում, վրաստաթղթերի ժողովածու, էջ 157:

* * *

Սակայն Անդրկովկասի բուրժուական պարտիաները և նրանց հովանավորող իմպերիալիստական պետությունները ձգտում էին ճնշել աշխատավորների ռեվոլյուցիոն շարժումների հետագա ծավալումը և Հայաստանում, Վրաստանում ու Ադրբեջանում հաստատել բուրժուազիայի դիկտատուրա, ստեղծել իմպերիալիստական երկրներից կախման մեջ գտնվող բուրժուական մարիոնետային ռեսպուբլիկաներ:

Վ. Ի. Լենինը սկզբից ևեթ մերժում էր բուրժուական ռեսպուբլիկա ստեղծելու ծրագիրը, քննադատում էր դաշնակների, մուսավաթականների և մենշևիկների ազգային խորհուրդների գործելակերպը, բացասաբար էր վերաբերվում օտարերկրյա իմպերիալիստների Անդրկովկաս հրավիրելու դաշնակցական-մենշևիկյան և մուսավաթական պահանջներին, այդ քայլը համարելով դավաճանություն և ապստամբություն՝ ընդդեմ Սովետական Ռուսաստանի և տեղական աշխատավորական մասսաների: Սակայն Կովկասյան բուրժուազիան, այդ թվում հայկական բուրժուազիան և նրա «դաշնակցություն» պարտիան գնացին հենց այդ ուղիով:

1918 թվականի մայիսի 28-ին Հայաստանը հայտարարելով «ինքնուրույն հանրապետություն», դաշնակցություն պարտիան անցավ իշխանության ղուլիս, դարձավ կառավարող պարտիա:

Վ. Ի. Լենինը գտնում էր, որ Հայաստանի, Վրաստանի, Ադրբեջանի անկախության անվան տակ այնտեղ ազգային բուրժուազիան դաշինքի մեջ է մտել իմպերիալիստական տերությունների հետ՝ ընդդեմ իրենց երկրների ազգային շահերի: Համառուսական ԿԳԿ-ի նիստում 1918 թ. հուլիսի 29-ին արտասանած ճառում Լենինը շեշտեց, որ Վրաստանի անկախությունը (նույնը և վերաբերում է Հայաստանին) «վերածվեց ղուլիս խաբեության», որ իրականում «դա Վրաստանի օկուպացումը և լիակատար զավթումն է գերմանական իմպերիալիստների կողմից, գերմանական սվյանների դաշինքը մենշևիկյան կառավարության հետ՝ բոլշևիկյան բանվորների ու գյուղացիների դեմ»³։ Այդ ելույթի մեջ Լենինը հանգամանորեն վերլուծում է Կովկասի քաղաքական վիճակը, բացահայտում հայկական և մյուս ազգերի բուրժուազիայի դավաճանությունն իրենց երկրի և ազգի շահերին:

Հայաստանում դաշնակցություն պարտիայի ստեղծած բուրժուական կառավարությունը երկրում իշխում էր 1918 թվականի մայիսից մինչև 1920 թվականի նոյեմբերի վերջերս: Այդ ժամանակամիջոցում դաշնակցությունը մերժելով Սովետական Ռուսաստանի ռեվոլյուցիոն բանվորների և գյուղացիների հետ դաշնակցելու ուղին, նախընտրեց «օրինեատյանների» մի քաղաքականություն, որն արտահայտվեց նրա դաշինքով թուրքական և գերմանական իմպերիալիստների հետ (1918 թվականին), այն ժամանակ, երբ այդ դիշատիչներն էին ներխուժել Կովկաս՝ Հայաստանին բերելով կոլոսպուտ, բնակչության անվերջ կոտորածներ, դաշնակներ: Կառավարությունն այնուհետև դաշինք կնքեց Անտանտի պետությունների—Անգլիայի, Ամերիկայի և Ֆրանսիայի հետ: Հայաստանի անկախությունը խարուսիկ ինքնագոհություն էր:

3 Վ. Ի. Լենին, երկեր, հատ. 28, էջ 8:

Վ. Ի. Լենինը նկատի ուներ նաև Հայաստանը և դաշնակներին, երբ Թիֆլիսի մասին խոսելով, ասում էր, թե «երբ խնդիրը վերաբերում է դասակարգային շահույթներին, բուրժուազիան հայրենիքը վաճառում է և իր ժողովրդի դեմ ուղղված շարշիական գործարքներ է կնքում ամեն տեսակի օտարերկրացիների հետ»⁴։

Դաշնակցություն սլարտիան, որ իրեն համարում էր թուրքական սուլթանական ռեժիմի դեմ սլալքարող «հեղափոխական սլարտիա», դաշինք կնքեց թուրքական ամենամոլի ռեակցիոներների հետ (1908 թվականին «Երիտասարդ թուրքերի» հետ, 1918 թ. հունիսին սուլթանական իմպերիալիզմի ռադամոլներին հետ, 1920 թ. դեկտեմբերի 2-ին քեմալական կառավարության հետ և ուլլն), երբ հանդես եկան դասակարգային շահերը։ Դաշնակները լավ գիտեին, որ իրենք չեն կարող դիմանալ աշխատավորների ռեուլուցիոն ճնշմանը, եթե դաշինքի մեջ չմտնեն օտարերկրյա ռեակցիոն ուժերի հետ։

Վ. Ի. Լենինը վերլուծելով Ուկրաինայի և Վրաստանի օրինակը, խոսելով Թիֆլիսում հակառեուլուցիոն ուժերի դավադրության մասին, 1918 թվականի հոկտեմբերի 22-ին ասում էր, որ աղգայնական բուրժուազիան ամենքին վաճառում է իր երկիրը. «Երեկ վաճառում էին գերմանացիներին, իսկ այժմ վաճառում են անգլիացիներին ու ֆրանսիացիներին»⁵։ 1919 թվականին Հայաստանում տեր ու տնօրինություն էին անում նախ Հասկելի և ապա Հարրորդի միսսիաները, ամերիկյան իմպերիալիզմի գործակալները։ Հայաստանում տեղի էր ունենում նույնը, ինչ Կովկասի մյուս մասերում և Ուկրաինայում, որը Վ. Ի. Լենինն անվանում էր «կրկնաճուրղ»⁶։ Սակայն բուրժուա-նացիոնալիստական կառավարությունները միայն իրենց երկրների վաճառքով չէին բավարարվում։ Նրանք ակտիվորեն մասնակցում էին նաև սոցիալիստական Ռուսաստանի դեմ մղվող սլատերադմին։

Վ. Ի. Լենինը 1919 թվականի օգոստոսի 28-ին հեռագիր ստանալով ֆիննական ինֆորմացիոն բյուրոյի մի հաղորդագրության մասին, որ 14 պետություն ուժեր են սլատրաստում հարձակվել Սովետական Ռուսաստանի վրա, հեռագրի լուսանցքում նշել է արշավանքին մասնակցող պետությունները՝ Անգլիա, ԱՄՆ, Ֆրանսիա, Իտալիա, 5. Ճապոնիա, 6. Ֆրանսիա, էստոնիա, Լատվիա, Լիտվա, 10. Լեհաստան, Ուկրաինա, Վրաստան, Ադրբեյջան, 14. Հայաստան։

Այսպիսով, Դաշնակցություն սլարտիայի լիդերներից կաղմված կառավարությունը Հայաստանը մղեց Սովետական Ռուսաստանի դեմ արշավի դուրս եկած պետությունների շարքը, դրանով իսկ Հայաստանին ղրկեց իր ամենաոեալ սլաշտսլանի—Ռուսաստանի օգնությունից։

* * *

Պարտիայի VIII համագումարում ընդունված նոր ծրագրում, ինչուես նաև համագումարում տված իր ղեկուցումների մեջ Վ. Ի. Լենինը անդրադարձել է ալգալին հարցին, առաջ է քաշել բուրժուական ռեսուլուրիկանների փոխարեն Սովետական Սոցիալիստական Ղեսուլուրիկաներ ստեղծելու ծրագիրը, որսլես

4 Վ. Ի. Լենին, Երկեր, հատ. 28, էջ 13։

5 Նույն տեղում, էջ 140։

6 Նույն տեղում։

նախկինում ճնշված ժողովուրդների ազգային և սոցիալական ազատագրության միակ ճիշտ ուղի, որպես այդ ազգերի ինքնորոշման և անկախության հարցի ամենանպատակահարմար լուծում:

ՌԿ(Բ)Պ VIII համագումարի դիրեկտիվից և Վ. Ի. Լենինի ցուցումներից ելնելով, ՌԿ(Բ)Պ Կենտկոմը և Կովկասի բոլշևիկյան կազմակերպություններն առաջ քաշեցին Ադրբեջանական, Հայկական, Վրացական բուրժուական ռեսպուբլիկաների փոխարեն Սովետական ռեսպուբլիկաներ ստեղծելու լոզունգը, մի լոզունգ, որը Հայաստանում կիրառելու մասին, ինչպես ասվեց, Վ. Ի. Լենինը որոշակի կարծիք էր հայտնել դեռևս 1917 թվականին:

Սովետական անկախ ռեսպուբլիկաներ ստեղծելու հարցի հետ սերտորեն կապված էր և համապատասխան ռեսպուբլիկաների կոմունիստական կազմակերպությունների կառուցվածքի հարցը:

Հայաստանի անկախ ռեսպուբլիկա ստեղծելու մասին դեռևս 1917 թվականին Վ. Ի. Լենինի դրած հարցի կապակցությամբ էլ 1917 թ. նոյեմբերին առաջ քաշվեց Հայաստանի Կոմունիստական պարտիա ստեղծելու հարցը:

1918 թվականի հունվարին Ռիֆլիսում աշխատող մի խումբ հայ կոմունիստներ, ՌԿ(Բ)Պ Երկրային կոմիտեից անկախ ստեղծեցին Հայաստանի Կոմունիստական պարտիայի կազմակերպությունը, որի ղեկավար գործիչներից էին բոլշևիկներ Գ. Հայկունին, Գ. Վարդանյանը, Հ. Հովսեփյանը, Դ. Կարապետյանը, Վ. Երեմյանը և ուրիշներ:

Հայկական անկախ ռեսպուբլիկայի մասին Լենինյան դրույթներից ելնելով, ՌԿ(Բ)Պ Կենտկոմը 1918 թ. սկզբներին հավանություն տվեց Հայաստանի Կոմունիստական պարտիա կազմակերպության ձևավորմանը:

1919 թվականին Հայաստանի Կոմունիստական պարտիայի պատվիրակը հրավիրվեց Կոմինտերնի 1-ին կոնգրեսին: Այդ պատվիրակ Գ. Հայկունին Վ. Ի. Լենինի հետ ունեցած հանդիպման ժամանակ ղեկուցում է Հայաստանի Կոմունիստական պարտիայի աշխատանքների մասին, ցուցումներ ստանում հետագա անելիքների համար: Հայաստանի կոմունիստների պատվիրակը, այսպիսով, մասնակցում է Կոմունիստական ինտերնացիոնալի հիմնադրմանը և ստորագրում է Կոմինտերնի առաջին Դեկլարացիան: 1919 թ. սկզբներին ՀԿՊ Կենտկոմի կողմից հաշվետվություն է կազմվել Անդրկովկասի քաղաքական վիճակի մասին և այն ներկայացվել է Վ. Ի. Լենինին: Հաշվետվության մեջ հանգամանորեն շարադրված են ՀԿՊ-ի գործունեության գլխավոր կողմերը, նրա հրատարակած թերթերի աշխատանքը, մարտական ուժերի կազմակերպման գծով կիրառված միջոցառումները և առաջիկա խնդիրները⁷:

Հայաստանի Կոմունիստական պարտիան 1919 թվականին ակտիվ պրոպագանդիստական գործունեություն էր ծավալում Սովետական Ռուսաստանում ապրող հայ աշխատավորների մեջ, հրատարակում էր Վ. Ի. Լենինի աշխատությունները, տպում էր թերթեր, որոնք տարածվում էին ՌՍՖՍՌ-ում, Կովկասում և Հայաստանում⁸:

Հայաստանի Կոմունիստական պարտիան Մոսկվայում գործում էր Հայկական Դործերի Կոմիսարիատի հետ միասին: Նրա աշխատանքներին ակտիվ մասնակցում էր Վ. Ավանեսովը:

⁷ ՄԼԻ Հայկ. ֆիլ. արխիվ, ֆ. 1, դ. 51:

⁸ ՀԿՊ գործունեության մասին, տե՛ս «Ժիզն նաչիոնալնոստեյ» թերթում, № 18, 1919:

ՌԿՊ Կովկասյան Երկրային Կոմիտեն բացասաբար էր վերաբերվում ՀԿՊ-ի որպես լեքսուրույն կազմակերպություն մնալու հարցին, պահանջում էր, որ ՀԿՊ-ն «շխատնիլի ուղղություն ունեցող ձեռնարկումներին», մերժում էր նրա առաջարկները՝ Ռիֆլիսում Արսենալը զավթելու և իշխանությունը փրավալու մասին: Երկրային Կոմիտեն խնդիր էր դնում ՌԿ(Բ)Պ Կենտկոմի առաջ՝ վերացնել ՀԿՊ-ն:

1919 թվականի հուլիսի 9-ին ՌԿՊ Կենտկոմի կազմը լուրջ քննում է Գ. Հայկունու, Վ. Երևմյանի, Գ. Վարդանյանի ներկայացրած նախագիծը՝ Հայաստանի Կոմունիստական պարտիայի Կենտկոմի կազմակերպման մասին (արձանագրություն 33): Կենտկոմը մերժում է այդ նախագծի առաջին կետում մտցված առաջարկը, որի համաձայն Հայաստանի Կոմպարտիան պետք է գործեր անկախ Կովկասյան Երկրային Կոմիտեից և անմիջականորեն դիմեցիտիվներ ստանար ու հաշվետու լինեին ՌԿՊ Կենտկոմի առաջ և գտնում է, որ քանի գոյություն ունի ՌԿՊ Կովկասյան Երկրային Կոմիտե, ՀԿՊ-ն ենթարկվում է նրան:

1919 թ. սեպտեմբերի 19-ին ՌԿՊ ԿԿ-ի կազմը լուրջ քննում է ՌԿՊ «Կովկասյան Երկրային Կոմիտեի և ՀԿՊ-ի փոխհարաբերությունների մասին» հարցը: Ընդունված որոշման մեջ ասված է, որ Հայաստանի Կոմունիստական պարտիա պետք է գոյություն ունենա Հայկական անկախ պետության սահմաններում:

1919 թ. դեկտեմբերի 20-ին ՌԿՊ Կենտկոմի քաղբյուրոն նորից քննում է ՀԿՊ-ի գործունեության հետ կապված հարցը Վ. Ի. Լենինի մասնակցությամբ, որոշվում է լրացուցիչ ուսումնասիրություն կատարել:

1919 թ. դեկտեմբերի 20-ին ՌԿՊ Կենտկոմի քաղբյուրոն նորից քննում է Կովկասում Կոմունիստական պարտիայի կազմակերպական կառուցվածքի հարցը: Կենտկոմը որոշում է. «Անհրաժեշտ համարել Հայաստանի Կոմունիստական պարտիան գոյություն ունենա որպես տերիտորիալ կազմակերպություն՝ Հայաստանի գոյություն ունեցող ռեսպուբլիկայի սահմաններում, ենթարկվելով ՌԿՊ Կովկասյան Երկրային Կոմիտեին»⁹:

Հայաստանի Կոմունիստական պարտիան, այսպիսով, կարող էր գոյություն ունենալ և պետք է գոյություն ունենար ու գործեր Հայաստանի ռեսպուբլիկայում, գլխավորեր աշխատավորների ուղղություն պայքարը դաշնականների ուժիմը տապալելու համար: Սակայն ստեղծվել էր մի այնպիսի իրադրություն, որ Հայաստանի Կոմունիստական պարտիա կազմակերպությունը գլխավորապես գործում էր Սովետական Ռուսաստանում, նրա ղեկավարներ Գ. Հայկունին, Հ. Հովսեփյանը, Գ. Վարդանյանը և մյուսներն աշխատում էին Հայկական գործերի Կոմիսարիատի կենտրոնական ասպարատում և նրա տեղական բաժիններում (Հայկունին հանդիսանում էր կոմիսարի տեղակալը, Վարդանյանը գլխավորում էր Աստրախանում հայ գաղթականներին օգնություն ցույց տալու գործը և այլն):

ՀԿՊ-ն կազմակերպական մշտական ամուր կապեր չունեին բուն Հայաստանում գործող կոմունիստական կազմակերպությունների հետ, նրանք գործում էին Երկրային Կոմիտեի ղեկավարությամբ:

⁹ ՄԼԻ ԿՊԱ, ֆ. 17, «Ս.» դ. 5293, թ 1:

¹⁰ Տե՛ս ՄԼԻ ԿՊԱ, Հայաստանի Կոմպարտիայի մասին, որոշումների թղթապահակ:

Այսպիսով, ՀԿՊ-ն փաստորեն գործում էր ՌԿՊ Կովկասյան նրկրային Կոմիտեից անկախ, չէր կատարում Կենտկոմի Քաղրյուրոյի որոշումը նրկրկոսրս ևսլարկվելու մասին և իր գործունեությունը Հայաստանի ռեսպուբլիկայում կենտրոնացնելու մասին: Մինչդեռ անհրաժեշտ էր բուն Հայաստանում ծավալել լարված պարտիական աշխատանք, վերականգնել ջախջախված բոլշևիկյան կազմակերպությունները, համախմբել բանվորներին ու գյուղացիներին, զլխավորել պայքարը դաշնակների դեմ: Ստեղծված պայմաններում Հայաստանի Կոմունիստական պարտիա կազմակերպության հետագա գործունեությունը Սովետական Ռուսաստանի տերիտորիայում չէր համապատասխանում ՌԿ(բ)Պ Կանոնադրությամբ սահմանված կազմակերպական սկզբունքներին և նրանցից բխող խնդիրներին: ՀԿՊ-ի ակտիվի նշանակալից մասը փոխադրվում է Կովկաս և Հայաստան, աշխատելու որպես պրոպագանդիստներ և կազմակերպիչներ: Անմիջականորեն խնդիր է դրվում Հայաստանի տերիտորիայում գործող պարտիական կազմակերպությունները միավորելու Հայաստանի Կոմունիստական (բոլշևիկների) պարտիայի մեջ, որպես ՌԿ(բ)Պ բաղկացուցիչ մասի:

ՌԿՊ Կենտկոմի ղիրեկտիվներով մորիլիզացվում և Հայաստան են ուղարկվում Ռուսաստանում և Անդրկովկասի կենտրոններում աշխատող մեծ թվով հայ կոմունիստներ, որոնք դաշնակների տիրապետության ծանր պայմաններում կազմակերպում ու ղեկավարում էին Հայաստանի կոմունիստական կազմակերպությունների գործունեությունը: 1919 թ. սեպտեմբերին նրանում գումարված բոլշևիկների անլեզալ խորհրդակցությունը և 1920 թվականի հունվարյան անլեզալ կոնֆերանսը ուղղություն տվեցին Հայաստանի պարտիական կազմակերպությունների գործունեությանը, բնորոշեցին ռեսպուբլիկական ղեկավար պարտիական օրդան:

Այսպիսով, Հայաստանի ռեսպուբլիկայի ներսում ձևավորվում է Հայաստանի Կոմունիստական պարտիայի ղեկավար կորիզ, որն աշխատում էր կոնֆերանսում ընտրված ՌԿՊ Հայաստանի Կոմիտեի (Արմենկոմի) ղեկավարությամբ: Արմենկոմը— դա հենց ՀԿՊ-ի կենտկոմն էր, կազմված Հայաստանում աշխատող անդամներից:

«Պրավդա» թերթը 1920 թվականի ապրիլին տպել է հաղորդագրություն Հայաստանի Կոմունիստական պարտիայի հունվարյան կոնֆերանսի մասին, նշել է, որ ռեսպուբլիկայի կոմունիստական կազմակերպություններում հաշվվում է 1200 կոմունիստ¹¹: Դրանք այն բոլշևիկներն էին, որոնք դաշնակների տիրապետության դժնի պայմաններում իրենց բախտը, մեր ժողովրդի բախտը կապում էին Վ. Ի. Լենինի ղեկավարած ՌՍՖՍՌ-ի, լենինյան պարտիայի հետ: Նրանք վտանգի էին ենթարկում իրենց կյանքը, անտեսում հալածանքները, ռեսպրեսիաների վտանգը, գնում էին աշխատավորների մոտ և նրանց կազմակերպում Կոմունիստական պարտիայի շուրջը, նախապատրաստում գալիք մարտերին:

1920 թվականի փետրվարին ձևավորվում է նաև Ադրբեջանի Կոմունիստական պարտիան, իսկ մայիսին՝ Վրաստանի Կոմունիստական պարտիան: Հայաստանի Կոմունիստական պարտիայի ղեկավար կորիզը կենտրոնանում է Հայկական ռեսպուբլիկայի տերիտորիայում և ընդհատակյա աշխատանք է ծավալում Վ. Ի. Լենինի ղիրեկտիվները կենսագործելու համար:

¹¹ Տե՛ս «Պրավդա» № 90, 28 ապրիլի, 1920:

Անդրկովկասում անկախ սովետական ռեսպուբլիկաներ ստեղծելու մասին ՌԿ(Բ)Պ Կենտկոմի և Վ. Ի. Լենինի առաջադրած դիրեկտիվ-լոզունգը և Հայաստանի, Ադրբեջանի ու Վրաստանի կոմունիստական պարտիաների ստեղծումը անհրաժեշտ դարձրին փոխել Կովկասյան պարտիական ղեկավար կենտրոնի կառուցվածքը, ՌԿ(Բ)Պ Կովկասյան ներկայից Կոմիտեի փոխարեն ստեղծել ՌԿ(Բ)Պ Կենտկոմի ներկայացուցչություն—Կովկասյան բյուրո:

Այդ հարցը քննարկվեց ՌԿ(Բ)Պ Կենտկոմի պլենումում 1920 թվականի ապրիլի 8-ին: Պլենումը հաշվի առնելով Հայաստանի, Ադրբեջանի և Վրաստանի կոմունիստական պարտիաների կազմավորման փաստը, որոշեց ստեղծել Կովկասյան բյուրո որպես Կենտրոնական Կոմիտեի ներկայացուցչություն, որին իրավունք տրվեց հանդես գալ և քործել ՌԿ(Բ)Պ Կենտկոմի անունից, որպես նրա բաղկացուցիչ մասը:

Կովկասյան բյուրոյի նախագահի պոստում հաստատվեց ՌԿ(Բ)Պ Կենտկոմի անդամ Գ. Կ. Օրջոնիկիձեն: Բյուրոյի կազմը սկզբում հաստատվեց 12 հոգուց. Գ. Օրջոնիկիձեն, Ս. Կիրովը, Ա. Միկոյանը, Մ. Օրախելաշվիլին, Ն. Նարիմանովը, Հ. Նազարբեյանը, Ա. Բելբորոդովը, Ի. Դուլաթյանը, Ե. Ստասովան և ուրիշներ: Հետագայում Կովկասյան բյուրոյի կազմում կատարվեցին նոր լրացումներ և փոփոխություններ:

Վ. Ի. Լենինի կողմից, ՌԿՊ Կենտկոմի կողմից Կովկասյան Բյուրոյի առջև դրված խնդիրներն էին. «1) Սովետական իշխանության հաստատումն ու ամրապնդումը և ամուր Կոմունիստական պարտիայի ստեղծումը Կովկասում. 2) ազգային խաղաղության հաստատումն ու պահպանումը. 3) հողային հարցի լուծումը. 4) բանակի մարտունակության պահպանումը. 5) Կովկասի Սովետական ռեսպուբլիկաների անտեսական միավորումն իրար հետ և ՌՍՖՍՌ-ի հետ, պահպանելով այդ ռեսպուբլիկաների անկախությունը, և 6) հարևան կոմունիստական պարտիաների ու Արևելքում ռևոլյուցիոն շարժմանը բազմակողմանի օգնություն ցույց տալը»¹²:

* * *

Վ. Ի. Լենինը խոսելով Հայաստանում սովետական կարգերի հաստատման մասին, 1920 թվականին ասում էր, որ «Սովետական իշխանության գաղափարներն ու սկզբունքները մատչելի և անմիջապես իրագործելի են ոչ միայն այն երկրներում, որոնք արդյունաբերական տնտեսություն զարգացած են, ոչ միայն սոցիալական այնպիսի հենարան ունեցող երկրներում, ինչպիսին պրուլետարիատն է, այլև այնպիսի հիմք ունեցող երկրներում, ինչպիսին գյուղացիությունն է»¹³:

1920 թ. հունվարին, Դենիկինի ջախջախումից հետո, ստեղծվում է Կովկասյան ռազմաճակատ: Կարմիր Բանակը ազատագրում է Հյուսիսային Կովկասը և մոտենում Անդրկովկասի սահմաններին: Վ. Ի. Լենինը 1920 թ. մարտի 15-ին ասանում է Կովկասյան ներկայից Կոմիտեի դիմումը, որով Հայաստանի, Վրաստանի, Ադրբեջանի և Դաղստանի աշխատավորները խնդրում են Սովետական Ռուսաստանին՝ ուղարկել Կարմիր Բանակի զորքերը, օգնություն ցույց

¹² Գ. Կ. Օրջոնիկիձեն, Հոգիվածներ և ճառեր (ռուս.), հատ. 1, էջ 192:

¹³ Վ. Ի. Լենին, Ներկեր, հատ. 31, էջ 619:

տալ Սովետական իշխանության հաստատման համար իրենց մղած պայքարին¹⁴։

Վ. Ի. Լենինը անմիջապես արձագանքում է Անդրկովկասի ժողովուրդների խնդրանքին։ Մարտի 17-ին Կովկասյան ռազմաճակատի Ռազմառնություն խորհրդին ուղարկած դիրեկտիվի մեջ Լենինը գրում է, որ խիստ անհրաժեշտ է վերցնել Բաֆուն, որ ամբողջ ջանքերն ուղղվեք այդ խնդրի կատարմանը, այնուհետև, նախապատրաստել տեղական ամուր Սովետական իշխանություն¹⁵։ Լենինը շեշտում է, որ նույնը վերաբերում է նաև Վրաստանին։

Տեղական Սովետական իշխանության նախապատրաստման համար աշխատում էին Անդրկովկասի կոմունիստական կազմակերպությունները։ Հայաստանում այդ հարցը սուր դրվեց դեռ 1920 թ. հունվարին։

Հունվարյան կոնֆերանսի բանաձևում Հայաստանի կոմունիստները հայտարարեցին, որ Հոկտեմբերյան ռևոլյուցիայից հետո մարդկությունը կանգնել է երկրներանքի առաջ՝ կամ բուրժուազիայի հետ, «Ալգերի լիգայի» դեկլարությամբ, կամ պրոլետարիատի հետ՝ Սովետական Ռուսաստանի և Կոմունիստական Ինտերնացիոնալի դեկլարությամբ, որոնց առաջնորդում էր Վ. Ի. Լենինը։

Հայաստանի Կոմունիստական պարտիան 1920 թվականի հունվարին հայտարարեց, որ հայ աշխատավորությունը կգնա Սովետական Ռուսաստանի հետ, Լենինի նշած ուղիով, որ նա շի պաշտպանի բուրժուազիայի իշխանությունը, որի տնտեսական հիմքերը քայքայված են, որ հայ ժողովուրդը միավորվում է Կոմունիստական պարտիայի դրոշի տակ։

«Քաղաքացիական պատերազմը սիրող դասակարգերի դեմ Հայաստանում (ինչպես և Վրաստանում, և Ադրբեջանում) և այդ դասակարգերի կազմակերպած «ղաշնակցական» կառավարության դեմ, ղաշնակների իշխանության բռնի ռևոլյուցիոն տապալումը Հայաստանի կոմունիստական կազմակերպությունների ամենաառաջին խնդիրն է։ Միայն այդ ուղիով մենք կկարողանանք դնել Սովետական իշխանության ամուր հիմք, միայն այդ ուղիով հնարավոր է մասսաներին փրկել կործանումից»¹⁶։

Հայաստանի կոմունիստների ամբողջ գործունեությունը 1920 թվականի սկզբներից նպատակադրված էր այդ խնդիրների կենսագործմանը։ Պարտիական մամուլի էջերում տպված հոդվածներում, պրոկլամացիաների մեջ, լեզալ և անլեզալ աշխատանքի բաղմաղան միջոցների գործադրումով կոմունիստները Հայաստանի բանվորներին ու գյուղացիներին էին հասցնում Ռուսաստանում կատարված սոցիալ-քաղաքական փոփոխությունների արդյունքները, պատմում էին ժողովրդական իշխանության գործունեության շնորհիվ աշխատավորների ստացած բարիքների մասին, խնդիր էին դնում Հայաստանում ևս ստեղծել սովետների ռեսպուբլիկա։

Հայաստանի աշխատավորները տեսնում էին Կարմիր Բանակի հերոսությունները, ողբշնչում նրա մղած մարտերի ազատազրակյուն վեհ գաղափարներով։ Հայաստանի Կոմունիստական պարտիուն բանվորներին և գյուղացիներին ուղղված մի կոչի մեջ 1920 թվականի հունվարին բացատրում էր Ան-

14 Տե՛ս Պայքար Սովետական իշխանության համար Վրաստանում ժող. (ռուս.), էջ 548—550։

15 Վ. Ի. Լենին, Երկեր, հատ. 35, թ. 480։

16 Տե՛ս Հոկտեմբերյան ռևոլյուցիան... փաստաթղթերի ժողովածուն, էջ 303—304 (ընդ-
գծված է ընագրում)։

կան իշխանություն ճնշման մասին¹⁹։ Այնուհետև հայտնվում է, որ «Հայաստանում հակառակույցիայի ժամանակաշրջանում հաղթանակը խլեց մեր լավագույն հարյուրավոր ընկերների կյանքը... զաշնակների տրիբունալի մեծ ուժեր լավագույն ընկերներից մի քանի տասնյակ մարդ գնդակահարված են և կլեքսանդրոպոլում և շրա շրջանում տեղի են ունենում մասսայական գնդակահարություններ։ Ամբողջ Հայաստանում այժմ իշխում է զաշնակ մաուդերիստների մտայնությունը։ Կենդանի մնացած ընկերները և նրանց ընտանիքները ձերբակալված են, Հայաստանի բանտերը լեփլեցուն են կարմիր ապստամբներով և նրանց ընտանիքներով, որոնք ենթարկվում են խոշտանկումների և կոդուպուման»։ Ս. Օրջոնիկիձեն խնդրում է Վ. Ի. Լենինին՝ միջոցներ ձեռնարկել, ազդել զաշնակների կառավարության վրա՝ վերջ դնելու կամայականություններին։

Վ. Ի. Լենինն անմիջապես արձագանքեց Կոմկոմսյան բյուրոյի պահանջին։ Մայիսի 7-ին ՌՍԲՄԻ և Վրաստանի միջև հաստատվում են դիվանագիտական հարաբերություններ, կնքվում է պայմանագիր Վ. Ի. Լենինը մայիսի վերջերին իր մոտ է կանչում Ս. Մ. Կիրովին, զրույց ունենում նրա հետ։ Կիրովը մայիսի 29-ին նշանակվում է ՌՍԲՄԻ լիազոր ներկայացուցիչ Վրաստանում։ Կիրովը գիրեկտիվներ է ստանում նաև Հայաստանի նկատմամբ Սովետական Ռուսաստանի քաղաքականությունը կիրառելու մասին, մասնավորապես նրան հանձնարարվում է ազդել զաշնակների կառավարության վրա՝ վերջ դնելու Մայիսյան ապստամբության մասնակիցների նկատմամբ գործադրվող տեղորոշական քայլերին։ Այդ հարցը սուր կերպով դրվում է նաև զաշնակների կառավարության Մոսկվայում գտնվող պատվիրակության առջև։

Հայաստանի կառավարության պատվիրակությունը հրավիրվել էր Մոսկվա՝ ՌՍԲՄԻ կրտսերին գործերի ժողովմատի հետ բանակցություններ վարելու։ Այդ բանակցությունները տեղի ունեցան մայիս-հունիսին։ Այնուհետև որոշվում է բանակցությունները շարունակել նրանում։ ՌՍԲՄԻ կառավարությունը նշանակում է դիվանագիտական միսիա։ ՌՍԲՄԻ լիազոր նշանակվեց հին բոլշևիկ-լենինյան Բորիս Լեգրանը, իսկ նրա խորհրդական՝ Ս. Տեր-Փաբրիկյանը։

Սովետական Ռուսաստանի դիվանագիտական ներկայացուցիչները Վրաստանում և Հայաստանում կատարելով Վ. Ի. Լենինի գիրեկտիվները, աշխատում էին ազդել զաշնակների կառավարության վրա՝ վերջ դնելու կոմունիստների նկատմամբ կիրառվող տեղորոշական ակտերին։ Այնուհետև նրանք միջոցներ էին ձեռնարկում զաղարկեցնելու ազգամիջյան ընդհարումները և կոնֆլիկտները, խաղաղ կերպով լուծելու բոլոր վիճելի հարցերը²⁰։ Ամբողջ 1920 թվականի ընթացքում ինտենսիվ զրադրություն էր տեղի ունենում Վ. Ի. Լենինի, Չիչերինի, Օրջոնիկիձեի, Կիրովի միջև, որի ընթացքում շոշափվել են Հայաստանին վերաբերվող շատ հարցեր։ Ի. Լեգրանի ղեկուցադրերը ՌՍԲՄԻ կառավարությունը տեղյակ էին դարձնում հայ ժողովրդի վիճակի մասին, նրա կարիքների մասին։

Վ. Ի. Լենինի գիրեկտիվի հիման վրա Ս. Կիրովը և Բ. Լեգրանը մի քանի անգամ առաջարկ են արել զաշնակների կառավարությանը՝ թույլ տալ ուստական Կարմիր Բանակի զորամասեր ուղարկել Հայաստանի հարավային շրջան-

¹⁹ Նույն տեղում։

²⁰ ՄԼԻ ԿՊԱ, ֆ. 64, ց. 1, գ. 11, թ. 8։

ները՝ Կարս—Սարիղամիշ—Սուրմալու—Արարատ սահմանագծում տեղագրելու, թուրքական ներխուժման վտանգը կանխելու նպատակով: Դաշնակների կառավարության արկածախնդիր քաղաքագետները մերժեցին այդ առաջարկը, երկիրը թողնելով իրենց անկալմակերպ, անզոր բանակի հույսին:

Վ. Ի. Լենինը հետևում էր Անդրկովկասում տեղի ունեցող իրադարձություններին և մերկացնում ինչպես Անտանտայի, այնպես էլ թուրքական կառավարությունների նոր արշավանքի պատրաստությունները հայ ժողովրդի դեմ, Հայաստանի վրայով նաև Սովետական Ռուսաստանի դեմ:

1920 թ. սեպտեմբերին բռնկվեց հայ-թուրքական պատերազմը: Վ. Ի. Լենինը բացահայտեց հայ-թուրքական պատերազմի իսկական պատճառները և տվեց Կովկասում կատարվող իրադարձությունների վերլուծությունը: Խոսելով սովետական երկրի սահմանամերձ շրջաններում ստեղծված բարդ իրադրությունների մասին, Վ. Ի. Լենինը Մոսկվայի պարտկազմակերպության ակտիվի նիստում 1920 թվականի հոկտեմբերի 9-ին ասել է. «Կովկասում գրությունն ավելի բարդ է: Վերջերս թուրքերը սկսեցին հարձակվել Հայաստանի վրա...»²¹: Այնուհետև Վլադիմիր Իլյիչը բացահայտում է թուրքերի հակասովետական սլանդը: Թուրքերը հարձակվել են Հայաստանի վրա այն դավթելու, նրա վրայով անցնելու առաջ՝ նպատակ ունենալով գրավել Բաքուն և Բաթումը²²:

Հայաստանի համար ավելի կրիտիկական օրերին, հոկտեմբերին և նոյեմբերին, երբ թուրքերն արդեն զավթել էին Կարսը, Սարիղամիշը, Կազվանը, Ալեքսանդրոպոլը, Սուրմալուի ամբողջ գավառը, գրեթե ամբողջ շարժվում էին դեպի Երևան և սպառնում զավթել երկրի նաև մյուս շրջանները, Վ. Ի. Լենինը շեղացող ուղադրությամբ հետևում էր Հայաստանին վիճակված բախտին և զրազվում այդ հարցով:

1920 թվականի նոյեմբերի երկրորդ կեսերին Վ. Ի. Լենինը հեռագրերով, ուղիղ գծով կապ էր պահպանում Կովկասյան ռազմաճակատի հրամանատարության և Կենտկոմի անդամների հետ, որոնք գտնվում էին Սովետական Ադրբեջանում և քննարկում Հայաստանում ստեղծված իրադրությունը: Ուղիղ գծով ստանալով ինֆորմացիա թուրքերի հարձակման և Հայաստանին սպառնացող նոր վտանգների մասին, Վ. Ի. Լենինը պահանջում է կոնկրետ առաջարկներ ներկայացնել անմիջապես Քաղրյուրո մտցնելու համար²³: Այնուհետև Լենինն ընդգծում է լրացուցիչ մարտական ուժեր Կովկաս փոխադրելու անհրաժեշտությունը:

Հայ ժողովրդի ծանր վիճակի մասին տարբեր աղբյուրներից տեղեկություններ էին ուղարկվում Վ. Ի. Լենինին: Հայ աշխատավորների կողմից ուղարկված դիմումների մեջ մի գլխավոր միտք կար՝ շուտափույթ օգնել հայ ժողովրդին և նրան փրկել թուրքական արշավանքից: Միևս Յիսակայան, որ այդ օրերին աշխատում էր Կոմիտեների գործկոմում, իր հուշագրությունների մեջ պատմում է, թե ինչպես Հայաստանի աշխատավորների կողմից Մոսկվա

21 Լենինյան ժողովածու, 36, էջ 131:

22 Տե՛ս նույն տեղում:

23 Տե՛ս Վ. Ի. Լենինի խոսակցությունը ժապավենի վրա—Արուսիկ քաղաքականության Թիֆլիզ, 1920, ք. 4, «Ոսթրալապանակ» 312, գ. 54874, և ՄԼԻ ԿՊՍՖ. 3, ց. 1, գ. 2004, թ. 1—10:

ուղարկված «Բանաձևերը, կոչերը և դիմումները հայտնվեցին Լենինին»²⁴, թարգմանվեցին գերմաներեն, ֆրանսերեն, անգլերեն: Այդ դիմումների և բանաձևերի մեջ աշխատավորները դիմում էին Վ. Ի. Լենինին, ՌՍՖՍՌ կառավարությանը և Կոմինտերնի գործկոմին՝ օգնություն ցույց տալ հայ ժողովրդի վճռական քայլին՝ իշխանությունն իր ձեռքը վերցնելու գործում:

Այսպիսով, Վ. Ի. Լենինը գտնվում էր Հայաստանում սոցիալիստական հեղաշրջում կատարելու և Հայկական Սովետական ռեսպուբլիկա ստեղծելու համար կատարվող մեծ աշխատանքների գլխավոր ղեկի մոտ, ուղղություն էր տալիս այդ աշխատանքին:

Հայաստանի Կոմունիստական սլարտիայի Կենտկոմը կատարելով Վ. Ի. Լենինի դիրեկտիվները, նոյեմբերի 28-ին—29-ին Հայաստանում կազմակերպեց աշխատավորների ղինված ելույթը՝ դաշնակների կառավարության դեմ, տապալեց այն և երկրի իշխանության ղեկը վերցնելով իր ձեռքը, հռչակեց Հայկական ՍՍՌ-ն:

Հայաստանի Կոմունիստական սլարտիայի Կենտկոմը Սովետական Հայաստանի առաջին կառավարության—Ռադա-ռեուլյուցիոն Կոմիտեի կազմում մտցրել էր Վ. Ի. Լենինի գաղափարներով տոգորված, Լենինի գործին նվիրված ռեուլյուցիոն գործիչների՝ Ս. Կասյանին, Ա. Նուրիջանյանին, Ալ. Բեգզադյանին, Ի. Դովլաթյանին, Ա. Մուսվաթյանին և Ս. Տեր-Փարբեկյանին: Ռեկոմը նոյեմբերի 29-ին հրապարակեց ղեկարացիա, որում շարադրված են Հայկական Սովետական Սոցիալիստական Ռեսպուբլիկայի սոցիալական և քաղաքական ծրագրերի հիմնական սկզբունքները: Ռեկոմը հրապարակեց կոչ «Բոլորին, բոլորին, բոլորին»: Այդ կոչում խոսվում էր Հայաստանի Սովետական ռեսպուբլիկա կազմելու մասին, հայ ժողովրդի համար խաղաղ կյանք նվաճելու, նորմալ աշխատանքի և նյութական բարիքների ստեղծման մասին, երկրի փուլումը վերացնելու և ծանր վերքերը բուժելու մասին:

Ս. Օրջոնիկիձեն Վ. Ի. Լենինին սիստեմատիկաբար ղեկուցում էր Հայաստանում կատարվող իրադարձությունների մասին: Ուղիղ գծով Մոսկվայի հետ կապվելով, Օրջոնիկիձեն ղեկտեմրերի սկզբներին հայտնել է. «Հաղորդեցեք Լենինին, որ Հայաստանում ղեպքերը ընթանում են առանց որևէ բարդության... Երևանի բնակչությունը ցնծությամբ ընդունեց (Սովետական) իշխանության հռչակումը»²⁵:

Հայկական ՍՍՌ Ռեկոմն իր կողմից և ամբողջ ժողովրդի կողմից հետևյալ նամակն ուղարկեց Վ. Ի. Լենինին.

«Բոլ հայտնի լինի համաշխարհային ռեուլյուցիայի առաջնորդին, որ Դիլիջանի ու Քարվանսարայի շրջանների գյուղացիները, դայրացած դաշնակցական կառավարության հանցավոր քաղաքականությունից և երկրում խորացող անարևիսիայից, բարձրացրին ապստամբության դրոշմը: Հայաստանի Կոմունիստական սլարտիայի իսկույն ևեթ ստանձնեց այդ տարերային շարժման ղեկավարությունը և ստեղծեց Հայաստանի Ռեկոմ, Հայաստանը հայտարարելով Սոցիալիստական Սովետական Ռեսպուբլիկա: Հասցված է առաջին հարվածը—Դիլիջան քաղաքը մեր ձեռքում է, Ոգևորված ապստամբները առաջ են

²⁴ Տե՛ս «Խորհրդային Հայաստան» թերթը, № 272, 1925 թիվ:

²⁵ Նույն տեղում:

²⁶ ՄԼԻ Հայկական ֆիլիալի արխիվ, ֆ. 5, դ. 22, թ. 1:

նետվում ատելի թշնամուն՝ Անտանտի գործակալին վերջնականապես տապալելու համար։ Եվ կատարելով նրանց կամքը, մենք, կազմելով Ռեկոմ, առաջ ենք շարժվում այն կատարյալ հույսով, որ Արևելքի ճնշված ժողովուրդների ազատարարը—սոցիալիստական մեծ Ռուսաստանի հերոսական Կարմիր Բանակը մեզ իրական օգնություն ցույց կտա մեր այս դժվարին պայքարում։ Հայաստանի բոլոր բանվորների ու գյուղացիների անունից մենք խնդրում ենք ժողովուրդներին ցույց տալ այդ օգնությունը։

Կեցցե Ռուսաստանի Սոցիալիստական Ֆեդերատիվ Սովետական Ռեսպուբլիկան։ Կեցցե նրա հաղթական Կարմիր Բանակը։

Հայաստանի Ռեկոմի նախագահ՝ Կասյան

Հայաստանի Ռեկոմի անդամներ՝ Ավիս, Բեգզադյան, Դովլարյան, Մուսայան, Տեր Գաբրիելյան»²⁷

Հայաստանը Սովետական Ռեսպուբլիկա հռչակելը սիրով ողջունեց Վ. Ի. Լենինը։ ՀՍՍՌ Ռեկոմին ուղարկած պատասխան հեռագրում Լենինը գրել է.

«Երևան։ Հայաստանի Ռազմական Ռեկոմիտեի Կոմիտեի նախագահ՝ ընկ. Կասյանին

Հանձին Ձեզ ողջունում եմ իմպերիալիզմի ճնշումից ազատագրված աշխատավորական Սովետական Հայաստանին։ Ձեմ կասկածում, որ Դուք կգործադրեք բոլոր ջանքերը՝ Հայաստանի, Թուրքիայի, Ադրբեջանի աշխատավորների միջև եղբայրական համերաշխություն հաստատելու համար։

Ժողովրդական Կոմիսարների Սովետի նախագահ՝ Լ.Ն.ԻՆ»²⁸։

Հայաստանը վերջնականապես անջատվեց իմպերիալիզմի ցանցից, որի մեջ նրան գցել էին հայ ժողովրդի արտաքին և ներքին թշնամիները, ձեռք բերեց անկախություն և ստեղծվեց հայ ժողովրդի ազգային նոր պետականություն, սոցիալիստական պետականություն։ Հայ ժողովուրդը ստեղծեց մի աշխատավորական իշխանություն, որը երկիրը դուրս բերեց նոր ուղու—կոմունիստական ուղու վրա, որը նրան տարավ դեպի լուսավոր ապագան։

Հայ ժողովուրդը կանգնեց ազգային վերածննդի ուղու վրա։ Այդ պատմական հաղթանակին նա հասավ Վ. Ի. Լենինի ղեկավարությամբ։

1920 թ. դեկտեմբերի 13-ին Վ. Ի. Լենինը ընդունեց ՀՍՍՌ ռեկոմի անդամներ Ս. Տեր-Գաբրիելյանին և Կ. Մուսայանին, զրուցեց նրանց հետ երիտասարդ Սովետական Ռեսպուբլիկայի անհետաձգելի խնդիրների ու կարիքների մասին։

Լենինը որոշում ստորագրեց՝ Սովետական Հայաստանի երեք միլիարդ ռուբլի նպաստ տրամադրել՝ ժողովրդի կարիքները հոգալու և նոր ստեղծված Սովետական Ռեսպուբլիկան ամրապնդելու համար։

1920 թվականի դեկտեմբերի 22-ին Սովետների Համառուսաստանյան VIII համագումարում տված իր ղեկուցման մեջ Վ. Ի. Լենինը նշեց Արևելքում Սովետական Ռուսաստանի կիրառած քաղաքականության խոշոր հաջողությունները 1920 թվականին. «Մենք պետք է ողջունենք Բուխարայի, Ադրբեջանի և

²⁷ Հոկտեմբերյան սոցիալիստական Մեծ ռեկոմիտեի և Սովետական իշխանության հաղթանակը Հայաստանում, ժողովածու, էջ 406—407։

²⁸ Վ. Ի. Լենին, Երկեր, հատ. 31, էջ 550։

Հայաստանի Սովետական ռեսպուբլիկաների կազմվելն ու ամրապնդվելը, որոնք վերականգնեցին ոչ միայն իրենց լիակատար անկախությունը, այլև իշխանությունը Վերջին բաժնորհների և գյուղացիների ձեռքը⁴⁰:

Վ. Ի. Լենինը առաջ քաշեց ՌՍՖՍՌ, Հայկական ՍՍՌ-ն և մյուս ռեսպուբլիկաները որպես սուվերեն իրավահավասար ռեսպուբլիկաներ պահպանելու և զարգացնելու խնդիրը:

Մերժելով Սովետական անկախ ռեսպուբլիկաները ՌՍՖՍՌ-ի մեջ որպես ավտոնոմ ռեսպուբլիկաներ մտցնելու առաջարկը, Վ. Ի. Լենինը առաջարկեց ստեղծել անկախ Սովետական Ռեսպուբլիկաների Միությունը, որը կազմակերպվում է իրավահավասար ռեսպուբլիկաների կամավորության սկզբունքներով: Վ. Ի. Լենինի ծրագրի հիման վրա 1922 թ. դեկտեմբերին ստեղծվեց Սովետական Միությունը, որի մեջ մտավ և Հայկական ՍՍՌ-ն:

Այսպիսով, Սովետական Հայաստանը, ինչպես նաև մյուս Սովետական ռեսպուբլիկաները պարտական են Վ. Ի. Լենինին, իրենց՝ որպես սուվերեն Միության անկախ Ռեսպուբլիկաների, գոյության համար:

Հայ ժողովուրդը նվաճեց թև ազգային և թև սոցիալական ազատագրություն:

Սկսվեց նոր դարաշրջան հայ ժողովրդի կյանքում, Սովետական դարաշրջան, որի դրոշի վրա փողփողում է Մեծ Լենինի կերպարը:

* * *

40 տարի Սովետական Հայաստանը աճում և զարգանում է Լենինյան ազգային քաղաքականության ուղիներով՝ հասնելով սոցիալական, արմատական փոփոխությունների և տնտեսական ու կուլտուրական մեծ նվաճումների:

Հայկական ՍՍՌ-ում կատարված սոցիալ-քաղաքական փոփոխությունների և սոցիալիզմի հաղթանակների իսկական տրիումֆը հանդիսացավ Սովետական Հայաստանի և Հայաստանի Կոմունիստական պարտիայի 40-ամյակի տոնակատարությունը, որին մասնակցեցին ՍՍՌՄ-ի բոլոր ռեսպուբլիկաների պատվիրակությունները, ՍՄԿՊ Կենտկոմի առաջին քարտուղար և ՍՍՌՄ Մի-նիստրների Սովետի նախագահ Ն. Ս. Խրուշչովը:

Կոմունիզմի կառուցման համար Հայկական ՍՍՌ-ի աշխատավորների մղած հերոսական պայքարի հանրագումարները բարձր գնահատականի արժանացան Սովետական կառավարության ղեկավարի կողմից:

Հայ ժողովուրդը ոգեշնչված այդ հաղթանակներով և ՍՄԿՊ առաջիկա XXII համագումարը նոր նվաճումներով դիմավորելու պատրաստակամությամբ, ավելի մեծ եռանդով պայքարում է կոմունիզմի լիակատար հաղթանակի համար: